



# DEO OPTIMO MAXIMO UNI ET TRINO,

VIRGINI DEIPARÆ, ET S. LUCÆ  
Orthodoxorum Medicorum Patrono,

## QUÆSTIO MEDICA,

QUOD LIBETARIIS DISPUTATIONIBUS  
*manè discutienda in Scholis Medicorum, die decimâ-septimâ  
Decembris anni M. DCC. XXXIII.*

M. JOANNE - BAPTISTA - LUDOVICO CHOMEL,  
Doctore Medico, Præsides. *autore.*

*An Casti rariùs egrotant, faciliùs curantur?*

### I.



UAM imperiosa præjudiciorum potestas! Adulatrix Poetarum  
cohors Cupidinem sinxerat Deum ut ipsi Hæroes ab eo vinci  
non erubescerent. Hinc sinceris natum felicitatibus genus huma-  
num voluptati addictum se putavit, suâque nunc quisquis trahi  
amat. Hic Naturæ parendum esse stolidè existimat, ille per  
Veneris illecebras ad sanitatem ire contendit. Sed Venus dux  
malorum, scelerum artifex, modos ferè nescia, rationis usum spoliât, luxu-  
riam inducit, Populos, Imperia, superbissimas devastat gentes, irrepit blan-  
dè & affigit humi divinæ particulam auræ. Beatus ille qui intelligit quàm  
sit turpe disfluere luxuriâ, delicatè ac molliter vivere, quàm honesta, quàm

utilis sobrietas & continentia. Teste cælo vivens, virtutem apprimè colit & servat, sublimiori lumine doctus in umbrâ voluptatis illicitæ ludere horret ne veram perdat. At si virtutis Amor, si rectè facti conscia Mens animos non allicit, ne Veneri indulgendo salutis propriæ negligens, in secundâ valetudine adversæ præsidia consumas, rariùs ægrotabis, faciliùsque (si morbus accidat) curaberis.

## I I.

<sup>em</sup>  
**A**MOR truculentum morbi genus non immeritò dixeris. Illo saviente in alieno corpore vivit amans, in proprio ferè mortuus est. Dii boni, quid hoc morbi est! Adeò-ne hominem ex eo immutari ut non cognoscas eundem esse? Quæ ars tanto abigendo malo inserviet? Ars certè Medica, Ars sine quâ cæteræ vilescerent, Ars omnium præstantior quæ temperamentorum naturam edocta, Animi Pathematum perturbationes reducit & instaurat; quæ alimentorum qualitates, salutiferas Medicamentorum virtutes, Artis Gymnasticæ modos decernens, acuit ingenium, corpori sanitatem inducit, blandam morum integritatem confirmat, probitati, virtuti, religioni opportunè ancillans libidinis refrœnat impetus: prisca gens Mortalium animi dotibus eximia, corporis robore spectabilis, à diætâ latus innocuâ serie exhauriebat dies; citò quippè spumat in libidinem venter alimentis fervidioribus æstuans. Humores nimio inflammati pabulo feroces vix componunt motus; hinc lux lasciviæ parens, sanitatis inimicam incendit libidinem, plenus labè omnia invadit, multos enim morbos multa fecerunt fercula. Quæ virtus è contra foret & quanta bonis vivere parvo! imò salubri labore victum condire prudenter, exuperantes succos vacuare, corruptos emendare, mentem erigere, vitia comprimere. Commendet igitur cibos fames, sitim potus extinguat. Quidquid naturam excedit naturæ noxium, succi plenos desidiosus amor sequitur; corpori indulgendum, non serviendum, duriùs tractanda Caro ne Animo malè pareat.

## I I I.

**C**ASTITAS Veneris æstu lubens timere nescia, pro triplici hominum statu triplex est vel in virginibus, vel in orbatīs, vel in uxoratis; sua est quippè in connubiis castitas apprimè servanda quâ debito conjugali sobrietate quisquis uxoratus impenditur, ne vires animi & corporis labefactando, liberorum debitæ procreationi, sanitatis tutelæ, innumerisque & immensis connubii muneribus exequendis fiat prorsus impar. Maxima sanè & præstantissima virginum castitas quæ non noscens ea à quibus postea optarent liberi flores integrum corporis & ingenii conservat. Quæ fructus non ferunt arbores, virelescunt latius, latius expandunt ramos, altiùs assurgunt, dum fecunda pyrus malusque ferax gibbum curvum fœdiorique obductum libro truncum gestant; virginitatis dicas sterilitatem pulchritudine, longævâ sanitate, robore compensari. Venus quietis inimica rosas pollicetur, sed in illius speluncâ spinas legunt. Dum sanguinis probissimi spuma, cerebri spinalisque medullæ effluvium semen exit, spiritus unâ dissipantur, sensus infirmantur, ingenium vix sui

compos contristatur, hebescit, debilitantur articuli, laxum fractumque corpus vix sustinet miser homo, vivido suo nitore spoliatur lumina, obscuroque intumescunt circulo. Ita Venus epilepsia etsi brevis, adolescentibus incrementum remouetur, generi nervoso infensa, viris senium maturat, senibusque mortem. Nec satis, Insaniens libido ea dissipat auxilia quibus conamina morborum validiori conamine Natura superat. At quantum roboris suppeditabit provida castitas? Si semen in arva naturæ spirantia projectum omnia vivificat, nonne illius in sanguinem regressi beneficio stabit diutius machina vegetior? Nonne validior factus sanguis insensilem adaugebit perspirationem, variarumque anni tempestatum impetus obrundet? Nonne seminis virtus per artus refusa vigorem illum conciliabit cuius ope vesani morborum assultus præcavebuntur, sanguis cum utilitate profundetur, cuius ope dicetæ, & Medicamentorum salutaris effectus cum fenore percipiant ægrotantes? adeo patet castitatis salubris utilitas sanitatis hostes fugatura!

## I V.

QUANTI ergo fugax emitur voluptas! pro hominum cæcitatem! libidinis insaniam explentes sanitati consulere jactitant. \* At in renibus nephriticum affectum, in stomacho cruditatem, in cerebro catharrum, in Corde palpitationem & syncopeu producit Aphrodisis. . . sub dulci mello impia latent venena. Ex universo corpore profluit semen, effuso semine corpus universum languebit. Castitatis igitur pulchra conditio, vitale bonum quo non est in terris optabilius quidquam sanitatem roborans servat & sustinet, morborum assultus ludit & ex semine restuo vires depromit præcipuas; errant qui semen cum in corpore abundat corruptioni obnoxium esse autumant; nonne sanguinis pars subtilior per subtiles vasorum mæandros permeare apta est? actuosissimum est semen, ingurgitari nescit, per perculiaria vasa vehitur, per propria redit. Si virgines histericis affectibus torquentur, si fædantur colores purpurei, plus morbus Melancholicus, plus parentum morositas, vel tædii & otii plena vivendi ratio mali affert quam Veneris ignotæ abstinencia. Febrem ipsammet *Eroticam* non curat Aphrodisis, non sanat qui vulnerat, ignem non sedat qui incendit; erethismus non laxatur ab iis quæ spasmus, ardorem, tæntiginem longè latèque inferunt. Sed experientiam testem appellemus, salaciora animalia parum vivunt. Videamus validissimos & satis robustos adolescentes tanto stipendio & spirituum effusione Veneris uti illecebris ut ad miserum statum celeriter deducantur. Calvos & porrigine fædos adsciricia cæsaries fraudulenter adornat, alvus stringitur, tument hemorrhoides, crura franguntur, podagra incurvat, ardet saryriasis innumerisque alijs (ut taceamus horrenda furiundæ Veneris flagella) morborum deliramentis exploduntur.

\* *Sens. Aph.*  
24. lib. 6.

## V.

ET sunt homines adeo molles & lascivi ut tot sævis affectibus premi non curent, tot cruciatibus lacerari contemnant, ut petulantia pareant sanitati deserviunt. Quævis delectamenti venerei mica mille agridudinibus rependitur.

Faceſſant igitur inepti agyrthæ qui ſanitatîs gratiâ ſcortari ſuadentes libidinem pro ſcientiâ auſcultant. Sanari pigeat ubi turpis eſt Medicina. Imò ad corporis conſervationem nulla adeſt Veneris neceſſitas. Nullius morbi cauſa eſſe poteſt Veneris abſtinentia, veſci citra ſatietatem, impigrum eſſe ad laborem, vitale ſemen ſervare tria eſſe ſaluberrima apud omnes in conſeſſo erit. Quò major erit voluptas tantò ſanitati detrahetur magis. Quò plus ſcintillabit ignis eò citiùs marceſcet. Longior huic corpuſculo prorogari poteſt mora ſi voluptates quibus pars hominum major perit regere & coercere poterimus. Venere tamen utantur qui debitum conjugale reddere tenentur & liberis dant operam, ſed moderatè & caſtè. Hinc Neſtoreos ad annos pervenire ſanitate longævâ frui liquebit. Hinc ſecura voluptas dulcedo non fallax.

*Ergò Caſti rariùs agrotant, faciliùs curantur,*

## DOMINI DOCTORES DISPUTATURI.

*M. Joannes-Baptiſta-Ludovicus Chomel, Alîus Preſes.*

*M. Hyacinthus-Theodorus Baron.*

*M. Ludovicus-Mariæ Pouſſe.*

*M. Antonius Caſamajor,*

*M. Raymundus de la Riviere.*

*M. Franciſcus-Joſephus Hunauld, Regiæ Scientiarum Academiæ Socius, in Horto Regio Anatomæ, & Chirurgiæ Profeſſor.*

*M. Hyacinthus-Theodorus Baron, Facultatis Decanus.*

*M. Joannes-Franciſcus Couthier, Scholarum Profeſſor designatus.*

*M. Joannes-Baptiſta Mongin, Medicus Regis ordinarius.*

Proponebat Pariſiis FRANCISCUS-FELICITAS COCHU,  
San-Germanus in Laya, Baccalaureus Medicus, A. R. S. H.  
1733, à ſextâ ad meridiem,